

مجله علمی و ادبی

مطبعه و محل اداره :

جغفال اوغلنده امنیت
صندوغی جوارنده
شنکول یقوشنده
۲۶ نومرو

مسلکمه موافق آثار
جدیده مع الممنونیه
قبول اولنور

درج ایدلمه بن آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاسیات و بالخاصه احوال و شئونه اسلامیه در بحث ایدر و هفته ده بر نشر اولنور .

صاحب و مؤسسلری :

ابوالعلا زین العابدین - ح . اشرف ادیب
تاریخ تأسیسی

۱۰ تموز ۳۲۴

آبونه بدلی

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

در سعادتده نسخه سی ۵۰ پاره در

قبرله دن مقوا بورو ایله کوندریلیرسه سنوی
۲۰ غروش فضله آلنیر

آلتنجی جلد

۱۷ رجب الفرد ۱۳۲۹ پنجشنبه ۳۰ حزیران ۱۳۲۷

عدد : ۱۴۹

زوجات (طاهرات) نی دورایدردی. بونلرده اون بر (خاتون) ایدی. «
بر روایتده: «بونلرده طقوز خاتون ایدی. «دیمش، «بوکا طاقاقت
کثیر یرمیدی؟» دیه سورمش. انس (رضی الله عنه): «بز (آره مزده)
اوکا (ینی رسول الله صلی الله علیه وسلم) اوتوز اركك قوتی ویرلشار.
دیه سولشیردك «جوانی ویرمش.

۱۹۳ - ترجمه

عایشه رضی الله عنهانك: «نبی اکرم صلی الله علیه وسلم احرامده
ایکن باشنده کی عطرك پارلیدی صانك کوزمك اوکنده در «دیدکی
روایت اولونیور.

احمد نعم

عليه وسلم [ه] يدور على نسائه في الساعة الواحدة من الليل
والنهار وعن احدى عشرة. وفي رواية نسوة. قيل اوكان
يطيق ذلك [و] قال كنا نتحدث انه اعطى قوة ثلاثين.

(۱) بر روایتده (انس بن مالك). (۲) الده کی نسخه لرده (كان
النبي صلی الله علیه وسلم). (۳) الده کی بخاری نسخه لرده (يطيقه).

۱۹۳ - صریح شریف

عن عائشة رضي الله عنها قالت كأنني انظر الى ويبص
الطيب في مغرق النبي صلى الله عليه وسلم [ا] وهو محرم.

(۱) بر روایتده (فی مغرق رسول الله صلی الله علیه وسلم).

مسلمانلقد مدیت

اوافق براستطراد

مسلمانلقد اسارت

دیانت اسلامیه نك اسیرلر حقنده کی احکامنه دائر سوکیل قارئیمزده
معلومات ویرمه دن شو فصلی بیتیرمك ایسته میورز. چونکه مسئله نك
آکلاشیلیمسندن بزم ایچون عدالت الهیه ایله عدالت بشریه آره سنده کی
فرقی لایقیله احاطه ایتمش اولمق کی مهم بر فائده حصوله کله جک.
اوحالده سوزده باشلایلم:

بر مسلمانك دیگر مسلمانان قارشی حائر اولدینی حقوقك كافه سنه
براسیرده مالکدر. زیرا اسیرلر شریعت نظرنده صاحبزینك قاردا -
شیریدر. «اخوانکم خولکم جعلهم الله تحت ایدیکم - کوله لریکنز،
جاریلریکنز سزك قاردشاریکزدر؛ جناب حق اولنلری سزك الکنزه
تودیع ایتشد. حدیث شریف»

شوزمینده استشهاده اولنه جق وقعه لر دندرکه اصحابدن ابوذر غفاری
رضی الله عنه، علیه الصلاة والسلام افندیمرک حضورنده رکوله ایله
مناقشه ایدیورمش. نهایت حدتنه مغلوب اوله رق آغزندن «کیدى
زنجیه نك طوغوردینی! «سوزینی قاجیرمش. دها ترکیبی تمامله بادن
حضرت پیغمبر ابوذر دونه رک «طف الصاع طف الصاع ایس لابن
البيضاء على ابن السوداء فضل الا بعمل صالح - هیکز برسکز، هیکزك
اکسیکی وار، هیکز برسکز، هیکزك اکسیکی وار؛ بیاضك طوغوردینی،
زنجیه نك طوغوردینه انجق عمل صالح سایه سنده تقدم ایده بیلیر. «
بیورمش. بونك اوزرینه ابوذر هان یاناغنی طوبراقره سره رک
کوله یه: «قالقده آياقارکله یوزیمنی کوزیمنی چکنه! دیمش.

عبدالرحمن بن عوف یورورکن کوله لرندن سچیلیمزدی. چونکه
البسه سی، قیافتی اولنلره بر اولدینی کی اوکارینه ده کچمزدی.

حضرت علی برکون کوله سیله برابر چارشیه کیده رک ایکی قات
البسه آلمش که بری دیکنندن دها قیمتی ایش. اوجوزینی کندیشی
ایچون آیقویه رق بهالیشی کوله یه ویرمش. بونك اوزرینه کوله:
«افندم، بولباس سزه لایقدر...» دیمش. لکن امیرالمؤمنین علی
«خیر اوغلم خیر! سکا دها لایقدر. چونکه کنجسك، بن ایسه
اختیارلادم.» جوانی ویرمشدر.

حضرت عمر دائماً «ابوبکر هم سیدیمزدر، هم ده سیدیمزى
آزاد ایتشد. دیردی. [ابوبکر آزاد ایتدیکی سیددن مقصود
بلال در.]

الله عشقنه باقیکنز، کوریکزکه زمان جاهلیده هربری عربك بر
پادشاهی اولان اصحاب رسولك وجداننده مساوات میلی نه درجه لره
قدر حاکم ایدی! عمر کی بر آدم بلاله باقارکن هیچ رنك، اصالت،
کی شیرای خاطرینه کثیر میورده اونك یالکز خصائص عالیه سنی
کورویور.

کندیسنه خلف آمینی اوزرینه آلمق ایسته مین عمر حالت
احتضارده ایکن دییوردی که: «ابو حذیفه نك آزادلی کوله سی سالم
صاغ اوله یدی خلافت مسئله سنی شورایه حواله ایتزدیم.»

ای قاره، سن هیچ برماتده مساوات، اخوت، حریت انهما -
کنك بودرجالره قدر حاکم اولدینی تاریخ انسانیت لسانندن ایشتمکی؟
مساواتك بومرتبه سی اون طقوزنجی عصرک نهایتنه کلنجیه قدر هیچ
برفلسوفك خیالندن بیله کچمه مشدر. دها طوغوروسی عصر حاضر
حقوقیونندن بری چیقوبده مدنیت، عدالت اعتباریه اک ایلری
کیدن ملتدرده بیله مساواتك بودرجه سی ایچون امکان تصور ایده مز.

شمی بن قالدیده ، مسلمانانک وضع ایتدیی بومساوات . بشرک قبول ایده بیله جکی درجاتک منتهاسیدر ، دییه جک اولورسم ، یاخود اقوام مترقیه طرفدن شودستور عظیمک تعمیمی اوغورنده آتیلان هرخطوه اسلامه تقریدر ، ادعاسنده بولنورسم بکا کیم لوم ایده بیلیر؟ کذلک طوتارده ، بومساوات حقیقه شیمدی یه قدر آنجق مسلمان کتابلرند کورولمشدر . باشقه هیچ برآرده کورولمشدر دیرسم بی کیم تکذیبه جسارت ایدر .

بوراده برمعترض حقیقه رق شویله بر سؤال صوره بیلیر :

مادام که مسلمانلق اسیرلر ایله احرار آرسنده بوقدر بویوک بر مساوات قبول ایدیور ، مادام که مسلمانلق کوله یه قصاص اوله رق حرك قتلی امر ایتدیی حالده حره قصاص اوله رق کوله نک قتلی امر ایتمه مک کی اسیرلره قارشی بوتون تاریخ انسانیتده نظیری کورولمش برشفقت کورستیور ، عجایبون اسارتک کلیاً بطلانی تبایغ ایدره ک بونی یر بوزندن قالدیرمادی ؟ یوقسه بوعادتی قالدیرمق اصنامه عبادت رزیله سنی منع ایتمکدن ده مشکل می ایدی ؟

زده شویله جواب ویررز :

مسلمانلق بوتون انسانیتک دینی اولدینی ایچون هرکس طرفندن متبوع اولق ، تعلیمات عالیسی مقتضاسیجه حرکت اولمق مقصدیله تشریع ایدلمشدر . بومقصد ایسه آنجق دینک کرک اوامری ، کرک نواهیسی فطرت بشریه ملایم کلک ، انسانیت ایچون زبون تأثیری اولمامیه امکان بولمیان سوائق و تمایلات طبیعیه موافق اولق ؛ الحاصل بشریتک ، ماضیده کی حالت بهیمیه سندن قورتیلوب تدریجاً اوج مدنیه یوکسلمسی ایچون بوتون جمعیت انسانیه اوزرنده - حتی افرا- دینک شعوری ، علمی لاحق اولمقسنرین- حاکم بولنان قوانین طبیعتله متجانس بولمق صورتیله اوله بیلیر .

بوقوانین طبیعتک وجودنی (اوکوست قونت) کی (هه کل) کی (سنسر) کی اجتماعون حس ایتمشدر . زیرا بوطبقه ده کی فیلسوفلر باقشارکه انسانیت ترقیاتنده منظم برسلسله تعقیب ایدیور ؛ ایکیده برده اوغرا دینی مصائبه ، محاط اولدینی اختلالاته رغماً اوسلسله دن اصلا خارجه جقمیور . حتی بوفیلسوفلر دییورکه : سطحی بر نظر ایچون انسانیتک سیرینه مانع کی کورونن بومصائب ، بوانقلابات انسانیتی استقباله طوغری سوق ایدن ، تفرقه دن ، پریشانلقدن قورتاروب وحدته ، نظامه قاووشدیران برطاقم اسباب وعواملدر . حکمانک تمهید ایتدیی حکمنلر ، نظریه لر بدایتده نه قدر پارلاق ، نه قدر یوکسک- کورونورسه کورونسون ، مختلف سویه لرده ، مختلف طبقه لرده بولنان اقوامک کافه سی طرفدن تطبیق ایدیله بیللمسی ایچون بشریتک تابع اولدینی قوانین تدریجده اوفلسفه لرله اونظریه لرله برابر نظر امعانه آلمش اولق ایجاب ایدر .

هیات ، نه قدر مدقق ، نه قدر واقف اولورسه اولسون حکما بوقوانینک سیرینی حقیقه تدقیقه قدرتیاب اوله منزل ! انسانیتک کچیردیی ادواری ، فکرأ ماده احرار ایتدیی ترقیاتی

امعان ایله کورن بر نظر شو حقیقتی محسوس بر صورتده اکلارکه : هرملنک بولندینی طوره کیره بیللمسی انجق اوملتی تشکیل ایدن کتله نک اوطوری قبوله استعداد کورستمش اولدینی رزمانده قابل اوله بیلیر . حریت ، مساوات قانونلرینک غربک ، بعض مملکتلری آفاقنده پارلامسی اوله رفیلوسوفک نظریه سنه اتباع یاخود برحکیمک نصیحتته اتقاد ایله ظهوره کیش بر حادته دکلدر . خایر خایر . بلکه بوتون هیئت اجتماعیه نک بولندینی شکدن بشقه برشکلی قبول ایتسنی ایجاب ایدن برطاقم اسباب ومناسبات اولجه ظهور ایتمشدرده انقلاب اونی تعقیب ایتمشدر . معافیله بویخت حقیقه ایضاح ایدمک لازم کلسه برچوق سوز سویله منر ایجاب ایدرکه موضوعک تحملی یوقدر .

ایشته مسلمانلق شونبات شو محکم قواعد اساسیه اوزرینه استناد ایدره ک ؛ انسانیت حاکم اولان قوانین طبیعیه نک سیرینی تمامیه نظر ایتمه آلهرق نازل اولمشدر . قوانین وقواعد موضوعه بشریه برطاقم جمعیتلرک یکمیش زمانده ترقیسنی کافل اولدینی حالده کورییورز که جمعیات حاضره نک احتیاجی تأمین ایتمیور ؛ حالبوکه قواعد اسلامیه بونک عکسنه اوله رق شبانی حالامحافظه ایتمکده در . جمعیات سابقیه مطابق اولان اواساسلر جمعیات حاضره ایچورده موافق کلمکده ، هراستعداده هرقابلیته ملایم کورو- نمکده در . زیرا اوقواعد انسانیتک بدایت ظهورندن بوآنه قدرکلوب کچن علمای اجتماعونک آرایوب طور دینی ترقی قانونلرینک تاکنندیسیدر . نرم شو اوزون مقدمه یی تمهید ایتمکدن مقصد منر اسارتک الان دوامی ایجاب ایدن قواعد اسلامیه دن بری اولدینغی تأیید ایلیمکدر ظن اولنسون . انجق بز اسلامک بدایت ظهورنده فصل اولوبده بوعادتی ابطال ایتماش اولسنی براهین محسوسه ایله کورستمک ایستیورز بومقصد وصول ایچورده . مشهور لاروسک محیط المعارفندن نقل ایده جکمز شوسوزلردن ده بویوک بر دلیل اوله ماز :

« محاربهرلرک بشریته چوق فائده سی اولدی . حتی حربک اک مشئوم نتایجندن بری اولان اسیر آلمق مسئله سی بیله بیوک بر منفعت تأمیندن خالی قالمدی . قارلریمز بواشی استبعاد ایتما لمیدر . زیرا بشریتک ترقیسی بعضاً هیچ ظن اولنمیان یوللردن حصوله کلشدر . ایشته حربک ایجاب ایتدیی اسارت سایه سنده قاریلر قوجه لرینک اسارتندن قورتلمشدر . چونکه اولجه قاریلر قوجه لرینک نظرند حیواندن فرقی دکلدی . اسرای حرب کلنجه قاریلرک صیرتندن بر چوق آغیر ایشلر قالدینی کی بر درجه یه قدر قوجه لرینک نظرند کی موقعه لرده یوکسلدی . زیرا بر عالیه یه بیجانجینک کیرمسی اوعالله افرادینک بربرلینه قارشی هیچ اولمازسه اوبیانجی اوکنده حرمتکار طاورانمسنی ایجاب ایدر . ایشته بونلرک کافه سی قادینلر حقنده کوزل برتأثیر حصوله کتیردی . بوجنس رقیقک بر درجه ده تهذیبی احضار ایلدی . قادین ترقی ایدنجه بشریتده اوکا تیباً فلاحه طوغری یول آلمغه باشلادی ، لیکن بوکون ایچون اسارت لزوم قالمامشدر . زیرا ماکنهلر برچوق آغیر ایشلری انسانلرک دوش مشقتدن آلمشدر .

محمد عاکف